



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՔԱՂԱՔԱՇԻՆՈՒԹՅԱՆ, ՏԵԽՆԻԿԱԿԱՆ ԵՎ ՀՐԴԵՀԱՅԻՆ
ԱՆՎՏԱՆԳՈՒԹՅԱՆ ՏԵՍՉԱԿԱՆ ՄԱՐՄՆԻ
Ղ Ե Կ Ա Վ Ա Ր

ՈՐՈՇՈՒՄ N S(22)230672-Ա

Վարչական տույժ նշանակելու մասին

քաղաք Երևան

«22» փետրվարի 2023թ.

Հայաստանի Հանրապետության քաղաքաշինության, տեխնիկական և հրդեհային անվտանգության տեսչական մարմնի (այսուհետ՝ Տեսչական մարմին) ղեկավար Գարեգին Խաչատրյանս, ուսումնասիրելով Յադոլլահ Անամի (YADOLLAH ANAMI այսուհետ՝ Վարորդ) (անձնագիր՝ H53466282) նկատմամբ 2023 թվականի փետրվարի 10-ին կազմված թիվ S(22) 230672 արձանագրությունը (այսուհետ՝ Արձանագրություն) և վարչական վարույթի վերաբերյալ այլ նյութերը՝

ՊԱՐԶԵՑԻ

Տեսչական մարմնի կողմից իրականացվել են վերահսկողական գործառույթներ՝ ընդհանուր օգտագործման պետական ավտոմոբիլային ճանապարհով թույլատրելի առավելագույն զանգվածը գերազանցող ծանրաքաշ և (կամ) մեկ սոնու վրա ընկնող բեռնվածքը գերազանցող տրանսպորտային միջոցների նկատմամբ, որի արդյունքում 10.02.2023 թվականին կազմվել է թիվ [2]1002230109 կշռման անդորրագիրը (կշեռք՝ ԷԴԵՍՍԱ-ԱՍ Գ/Հ-1, ստուգաչափման համար՝ թիվ 075731) և թիվ S(22) 230672 վարչական իրավախախտման վերաբերյալ արձանագրությունը:

Համաձայն Արձանագրության՝ Մ-2 միջպետական նշանակության ավտոմոբիլային ճանապարհի 200+000 կմ հատվածում Վարորդը երթևեկել է մեկ սոնու վրա ընկնող բեռնվածքը 1280 կիլոգրամով գերազանցող, 2 սոնի ունեցող «ՍԿԱՆԻԱ» (SCANIA) մակնիշի 40AA383 հաշվառման համարանիշի տրանսպորտային միջոցով, 3 սոնի ունեցող «ԹՐԵՅԼԵՐ» (TRAILER) մակնիշի 40AA384 հաշվառման համարանիշի կիսակցորդով: Այսինքն՝ խախտվել է «Ավտոմոբիլային ճանապարհների մասին» օրենքի 10-րդ հոդվածի 6-րդ մասի «է» կետի պահանջը, որի համար Վարչական իրավախախտումների վերաբերյալ Հայաստանի Հանրապետության օրենսգրքի 150.3-րդ հոդվածի 1-ին մասով նախատեսված է վարչական պատասխանատվություն:

«Ավտոմոբիլային ճանապարհների մասին» օրենքի 10-րդ հոդվածի 6-րդ մասի «է» կետի համաձայն՝ ընդհանուր օգտագործման ավտոմոբիլային ճանապարհներով արգելվում են թույլատրելի առավելագույն զանգվածը և (կամ) մեկ սոնու վրա ընկնող բեռնվածքը գերազանցող ծանրաքաշ տրանսպորտային միջոցների երթևեկությունը, բացառությամբ չմասնատվող բեռների:

Վարչական իրավախախտումների վերաբերյալ Հայաստանի Հանրապետության օրենսգրքի 150.3-րդ հոդվածի 1-ին մասի համաձայն՝ Հայաստանի Հանրապետության ընդհանուր օգտագործման պետական ավտոմոբիլային ճանապարհներով թույլատրելի առավելագույն զանգվածը գերազանցող ծանրաքաշ և (կամ) մեկ սոնու վրա ընկնող բեռնվածքը գերազանցող տրանսպորտային միջոցներով երթևեկելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկի չափով:

Վարչական իրավախախտման վերաբերյալ գործի քննությանը նշանակվել է 22.02.2023թ.-ին ժամը՝ 16:00-ին: Գործում առկա ապացույցներից հաստատվում է, որ վարչական իրավախախտման վերաբերյալ գործի քննության ընթացքում Տեսչական մարմնի կողմից իրականացվել են բոլոր անհրաժեշտ գործողությունները Վարորդի լսված լինելու իրավունքն ապահովելու համար:

ՀՀ կառավարության 2006 թվականի հուլիսի 20-ի թիվ 1106-Ն որոշման Հավելված 2-ով (այսուհետ նաև՝ Հավելված) հաստատվել են տրանսպորտային միջոցների թույլատրելի առավելագույն զանգվածը և (կամ) մեկ սոնու վրա ընկնող բեռնվածքը, ինչպես նաև մեծ եզրաչափերի առավելագույն չափերը: Նշված հավելվածի 3.2.1 կետի համաձայն՝ մեկ տանող սոնի ունեցող մեխանիկական տրանսպորտային միջոցի տանող սոնու (երբ տրանսպորտային միջոցը երթևեկում է ՀՀ ընդհանուր օգտագործման միջպետական նշանակության ավտոմոբիլային ճանապարհով) առավելագույն բեռնվածությունը սահմանված է 11,5 տոննա:

Համաձայն կշռման թիվ [2]1002230109 կշռման անդորրագրի՝ 3 սոնի ունեցող «ԹՐԵՅԼԵՐ» (TRAILER) մակնիշի 40AA384 հաշվառման համարանիշի կիսակցորդով «ՍԿԱՆԻԱ» (SCANIA) մակնիշի 40AA383 հաշվառման համարանիշի տրանսպորտային միջոցի մեկ սոնու բեռնվածությունը կազմել է 12780 կգ, հետևաբար գերազանցվել է թույլատրելի առավելագույն զանգվածը 1280 կգ-ով:

Օրենսդրական պահանջների և չափորոշիչների հաշվառմամբ՝ վարչական վարույթի նյութերի հետազոտումից պարզվել է, որ վարչական վարույթի նյութերում առկա են իրավախախտման փաստը հաստատող բավարար ապացույցներ (տրանսպորտի

քնագավառում վարչական իրավախախտում կատարելու վերաբերյալ թիվ S(22) 230672 արձանագրությունը, կշռման թիվ [2]1002230109 անդորրագիրը, լուսանկարը):

Այսպիսով, վարչական վարույթի ընթացքում հետազոտված ապացույցներով հիմնավորվել է Յադոլլահ Անամիի կողմից կատարված իրավախախտման փաստը:

Վերոգրյալի հիման վրա և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 244¹³-րդ հոդվածով, 281-րդ հոդվածով, 282-րդ հոդվածի 1-ին կետով՝

ՈՐՈՇԵՑԻ

Յադոլլահ Անամիին (անձնագիր՝ H53466282) ենթարկել վարչական պատասխանատվության և նրա նկատմամբ նշանակել վարչական տույժ՝ տուգանք՝ 200.000 (երկու հարյուր հազար) ՀՀ դրամ գումարի չափով:

Ծանոթություն.

Սույն որոշումը կարող է բողոքարկվել այն սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում Տեսչական մարմին կամ ՀՀ վարչական դատարան՝ օրենքով սահմանված կարգով և ժամկետներում:
Տուգանքի գումարն անհրաժեշտ է վճարել ՀՀ պետական բյուջե՝ Հայաստանի Հանրապետության ֆինանսների նախարարության կենտրոնական գանձապետարանի՝ 900005001517 հաշվեհամարին:
Տուգանքի գումարը վճարելիս անհրաժեշտ է «նպատակը» դաշտում նշել որոշման համարը:

X   ԳԱՐԵԳԻՆ ԽԱՉԱՏՐՅԱՆ